

Čuvgehuslávdegoddi**Áigi** 22.06.2021 dmu 10:10 - 17:00**Báiki** váldostivrasále**Gieđahallon áššit**

§	Bajilčála	Siidu
97	Lágalašvuohta ja mearridanváldi	4
98	Beavdegirjji dárkkisteaddjiid válljen	5
99	Bargoortnega dohkkeheapmi	6
100	Áššit diehtun	7
101	Ruhtadili birra oanehaččat	8
102	Guovttejagáš ovdaoahpahasplána	9
103	Gáregasnjárgga váldodoaibmasaš diibmooahpaheaddji (348145)	10
104	Árrabajásgeassima áššehasmáksinlága rievdadus 1.8.2021 rájes	11
105	GUHKIDUVVON OAHPPOGEATNEGASVUOĐA VÁIKKUHUS LOGAHATSTUĐEREMII JA DAN GOLUIDE	12
106	Ohcejohnjálmmi skuvlla suomagielat luohkáohpaheaddji virggi (341515) deavdin	18
107	OHCEJOHNJÁLMMI SKUVLLA LUOHKÁOAHPAHEADDJI MEARREÁIGÁSAŠ VIRGI 1.8.2021 – 31.7.2022	19
108	OHCEJOGA SÁMELOGAHAGA OĐĐA OAHPPOPLÁNA 1.8.2021 RÁJES	20
109	Oahppofuolahusa plána beaivádeapmi Ohcejoga sámelogahahkii	21
110	Leairaskuvlla boradeamit	22
111	Gáregasnjárgga gielaid lektor 365865	23
112	Musihka váldodoaibmasaš diibmooahpaheaddji 1.8.2021-31.7.2022 (365432)	24
113	Luohkáohpaheaddji sadjásašvuohta, Gáregasnjárga 367229	25
114	Virgelohpeohcamuš	26
115	Oasseáigásaš oahppofriijavuođa ohcamuš	27
116	Virgelohpeohcamuš	28
117	Ohcejoga gieldda árrabajásgeassima oahpaheaddji virgi 1.8.2021 rájes	29
118	Gálvoháhkamat Njuorggáma mánggadoaimmadállu	30
119	Ohcejohnjálmmi skuvlla ja sámelogahaga rektora virgi	31

Oasseváldit

	Namma	Dmu	Bargu	Lassedieđut
Mielde	Aikio Elle Kaaren	10:10 - 17:00	Ságadoalli	
	Rasmussen Riikka	10:10 - 17:00	Lahttu	
	Saijets Mika	10:10 - 17:00	Lahttu	
	Niittyvuopio Anni-Sofia	10:10 - 17:00	Várrelahttu	
	Niittyvuopio Indira	10:10 - 17:00	Várrelahttu	
	Neeta Jääskö	10:10 - 17:00	tulka	
Eret	Seurujärvi Pirjo		Várreságadoalli	
	Simonen Esa		Lahttu	
	Holma Lotta-Inkeri		Lahttu	
	Guttorm Urho		Lahttu	
	Laiti Niila		Várrelahttu	
	Näkkäläjärvi-Länsman Anna		Várrelahttu	
	Hekkanen Eemeli		Várrelahttu	
	Aurala Arto		Várrelahttu	
	Rasmussen Torkel		Várrelahttu	
	Tapiola-Länsman Kaisa		Asttuáiggečálli	
	Tieva-Niittyvuopio Vuokko		Gielddahoaavda	
	Tapiola Ilmari		Gielddaráđđehusa ságadoalli	
Nuorgam Eeva		Gielddaráđđehusa ovddasteaddji		
Eará	Veskonieni Virpi	10:10 - 17:00	Čuvgehushoavda, áššemeannudeaddji	
	Raudasoja Tea	11:00 - 14:00	árrabajásgeassin- hoavda	
	Lukkari Maritta Pasi Oikarinen	10:10 - 17:00 12:15 - 15:00	beavdegirjedoalli Rektor	

Vuolláičállosat

ságadoalli
Elle Aikio

beavdegirjedoalli
Maritta Lukkari

Giedahallon áššit

97 - 119

Beavdegirji dárkkisteapmi

Dárkkistanáigi

Anni-Sofia Niittyvuopio

Indira Niittyvuopio

Beavdegirji dárkkisteaddjit:

Beavdegirji lea dollojuvvon albmosis

čuvgehusdoaimmahagas 29.06.2021 09:00

Almmuhantávvala dikšu
Maritta Lukkari

Lágalašvuohta ja mearridanváldi

Čuvglg 22.06.2021 §

Gávnnaht, ahte čoahkkin lea lágalaččat čoahkkái bovdejuvvon ja mearridanválddálaš.

Mearrádus:

Dohkkehuvvon.

Beavdegirjji dárkkisteaddjiid välljen

Čuvglg 22.06.2021 § 98

Válljet čoahkkimii guokte beavdegirjedárkkisteaddji.

Mearrádus:

Válljejuvvuiga Anni-Sofia Niittyvuopio ja Indira Niittyvuopio

Čuvgehuslávdegoddi

§ 99

22.06.2021

Bargoortnega dohkkeheapmi

Čuvglg 22.06.2021 § 99

Evttohus:

Čuvgehuslávdegoddi dohkkeha áššiid gieđahallanortnega čoahkkima evttohuslisttá mielde.

Mearráduš:

Evttohusa mielde.

Čuvgehuslávdegoddi

§ 100

22.06.2021

Áššit diehtun

Čuvglg 22.06.2021 § 100

Virgedoallimearrádušat

Mearráduš:

Merkejuvvo diehtun

Ruhtadili birra oanehaččat

Čuvglg 22.06.2021 § 101

Gullat oanehaččat ruhtadili birra.

Evttohus:

Merkejuvvo diehtun.

Guovttejagáš ovdaoahpahasplána

41/12.00.01/2021

Čuvglg 22.06.2021 § 102

Ohcejoga gielda lea oktan gielddan Suomas válljejuvvon fárrui oahpahas- ja kulturministeriija guovttejagáš ovdaoahpahas iskkadeapmái, mii ollašuhthtojuvvo borgemánus 2021 álggus miessemánu 2024 lohppii. Iskkadallan guoská jagis 2016 ja 2017 riegdan mánáide. Iskkadallama mihttomearrin lea buvttadit dieđu mearrádusdahkama doarjjan árrabajásgeassima sihke ovda- ja vuodđooahpahas sirdásanmuttuid ovddideamis.

Oahpahasiskkadallama stivre oahpahasráđdehusa Guovttejagáš ovdaoahpahas iskkadallama oahppaplána vuđđosat 2021, man vuodul lea gárvvistuvvon Ohcejohkii báikkálaš plána.

Ohcejoga gieldda guovttejagáš ovdaoahpahas iskkadallama oahppaplána čuovvu struktuvrra dáfus riikkaviidosaš oahppaplána vuđđosiid. Báikkálaš oahppaplánas lea váldon vuhtii erenoamážit davvisámegiela giela ja sáme kultuvrra dorvvasteapmi, doarjun ja ovddideapmi. Báikkálaš plána lea áššegirji mii ođasmuvvá, ja masa sáhtá girjet ja dievasmahttit geavadagaid ja doaimanvugiid maid iskkadallama áigge.

Ohcejoga gieldda guovttejagáš ovdaoahpahas iskkadallama báikkálaš oahppaplána lea dahkon Ohcejoga gieldda skuvllaid ja árrabajásgeassinovttadagaid oktasašbargun. Oahppaplána plána plánemii leat oassálastán dát olbmot: Čuvgehushoavda- rektor Virpi Veskonieni, árrabajásgeassinhoavda Tea Raudasoja, rektor Pasi Oikarinen, árrabajásgeassinohpaheaddji Sivi Länsman, veahkkehoavda Sisko Länsman, árrabajásgeassinohpaheaddji Suvi Niittyvuopio-Nieminen, luohkáohpaheaddji Noora Nokela ja luohkáohpaheaddji Aura Pieski.

Ášši válmmaštalai Virpi Veskonieni

Evttohus:

Čuvgehuslávdegoddi mearrida dohkkehit Ohcejoga gieldda guovttejagáš ovdaoahpahasplána

Mearrádus:

Mearrádus evttohusa mielde.

Gáregasnjárgga váldodoaibmasaš diibmooahpaheaddji (348145)

5/01.01.01/2021

Čuvglg 22.06.2021 § 103

Gáregasnjárgga skuvlla váldodoaibmasaš suomagielat oahpahusa diibmooahpaheaddji virgi lea leamaš almmolaččat ohcan láhkai Kuntarekrys ja bargofápmohálddaha siidduin. Ohcan nogai 30.4. Mearreáiggi rádjai ohccit ledje 4. Dál lea eahpesihkkar, dárbbášuvvogo Gáregasnjárgii suomagielat diibmooahpaheaddji, go oahppiid lohku ii leat velá čielgan. Virgedoallilága 4§ mielde eiseváldi guhte mearrida virggi deavdimis, sáhttá guođđit virgegaskavuodá deavddekeahtá.

Ášši válmmaštalai Virpi Veskonieni

Evttohus:

Evttohus addojuvvo čoahkkimis.

Evttohussan ahte mearreáigásaš 1.8.2021-31.7.2022 diibmooahpaheaddjin suomagielat oahpahussii válljejuvvo Andre Kinnari ja várresadjái Henna Maria Terna.

Mearrádus:

Mearrádus evttohusa mielde.

Árrabajásgeassima áššehasmáksinlága rievdadus 1.8.2021 rájes

7/05.09.00/2018

Čuvglg 22.06.2021 § 104

Ráđđehusa evttohus árrabajásgeassinlága rievdadusain lea dohkkehuvvon juovlamánus 2020. Áššehasmáksinlága (1052/2020) rievdadusat bohtet fápmui 1.8.2021.

Máksu mearrašuvvá bearraša sturrodaga ja boađuid mielde. Bearraša bohtun vuhtii válđojuvvo máná, su vanhemiid dahje eará fuolaheaddji sihke suinna oktasašdállodoalus náittosdilis dahje náittoslihtu veardásaš dilis ealli olbmo vearuvuloš dienas- ja kapitála sisaboađut sihke vearuhis boađut. Jos boahtodieđut eai doaimmahuvvo, meroštallojuvvo alimus máksu.

Árrabajásgeassima áššehasmávssut vuoliduvvojit bajidemiin mávssuid vuodđun leahkki boahtoráját 31 proseantta. Lassin oarbinaččain berrojuvvon mávssut vuoliduvvojit nu, ahte nuppi mánás berrojuvvon máksu lea 40 proseantta (dálá 50% sadjái) nuoramus máná rehkenaston ollesáigásaš árrabajásgeassin mávssus.

Ollesáigásaš árrabajásgeassima mánotbajemáksu 1.8.2021 Máksoproseanttat ja boahtoráját leat:

Bearraša sturrodat, olbmot Boahtorádjá, euro/mánotbadji Alimus máksoproseanta

2	2 798	10,70
3	3 610	10,70
4	4 099	10,70
5	4 588	10,70
6	5 075	10,70

Ášši válmmaštalai árrabajásgeassinhoavda Tea Raudasoja

Evttohus:

Čuvgehuslávdegoddi dohkkeha áššehasmávssuid

Mearrádus:

Mearrádus evttohusa mielde.

GUHKIDUVVON OAHPPOGEATNEGASVUOĐA VÁIKKUHUS LOGAHATSTUĐEREMII JA DAN GOLUIDE

51/12.00.01/2021

Čuvglg 22.06.2021 § 105

GUHKIDUVVON OAHPPOGEATNEGASVUOĐA VÁIKKUHUS LOGAHATSTUĐEREMII JA DAN GOLUIDE

Ohcejogas logahaga visttiin ii leat dál berrojuvvon láigu oahppiin. Spiehkastahkan leamašan dušše dat oahppilonohallamii oassálasti oahppit (periodalohallamis), geat eai buvte mielddisteaset ruđa. Sis lea berrojuvvon ássanáiggiis bealli juogaduvvon lanjadaga (soluasunto) geasseáiggi láiggus. Geasseáigge visttit leamašan láigohanláhkai geassebargiide.

Skuvlamátkkit eai leamaš Ohcejogas nuvtá dán rádjai logahatoahppiide. Logahatoahppit leat johtán vuodđooahpahusa skuvlasáhtuid mielde ja sii leat máksán 43€/mb Kela iežasvástoosi gildii daid mánotbajiin, go leat skuvlamátkkiid vuodđooahpahusa sáhtuid mielde dahkan.

Dál logahaga oahppiin leamašan nuvtá mátkedihtorat anus, oahppagirjjit ja -liseanssat leamašan nuvtá, skuvlaboradeapmi leamašan nuvtá, álšasále leamašan nuvtá anus ja vuojadanhállai leamašan nuvtá vuorut. Peannaid, konsepttaid ja eará dárbašiid oahppit leat ieža oastán.

Giđdat 2021 vuodđooahpahusa heaiti oahppit ja čakčat logahagas álgaheaddji oahppit leat vuosttas ahkeluohkká, mas lea guhkiduvvon oahppogeatnegasvuohta dan kaleandarjagi lohppii, goas sii devdet 18 jagi dahje dan rádjai go sii čađahit 2. dási dutkosa.

Guhkiduvvon oahppogeatnegasvuohta ja orruma ja skuvlamátkkiid mávssut sihke eará golut 1.8.2021 rájes:

Oahppogeatnegasvuođalága 4 logu mielde oahpahusa eaktudan oahppamateriálat sihke bargobiergasat, -gárvvut ja -ávdnasat leat oahppái nuvtá. Nuvttá eai goit leat erenomáš áiggeádjái vuodjuma deattuheadji skuvlemiin dárbbaslaš oahppi persovnnalaš atnui oavvilduvvon čuojanasat, valástallanreaidut dahje eará dan sullasaš reaidut ja dárbašat, maid oahppi sáhtá geavahit maid muđui go oahpahusa oktavuodas. Eaktodáhtolaš oahppomátkkiin, galledemiin, dáhpáhusain ja eará dan sullasaš doaimmain, mat dievasmahttet oahpuid, sáhtá bearrat govttolaš mávssuid.

Oahppi lea vuoigadahtton oahppogeatnegasvuođalága 19§ mielde oahppolágádusa bargoáiggiis orrunbuhtadussii, jos čuovvovaš eavttut ollašuvvet:

1) mátki oahppogeatnegasa ruovttus lagamus dakkár logahakkii dahje mángga suorggi ámmátlaš oahppolágádussii, gos lea vejolašvuohta oazžut oahpahusa oahppogeatnegasa vuodđooahpahuslága 10 §:s oavvilduvvon oahpahusgiela mielde suoma- dahje ruođagillii, lea badjel 100 kilomehtera;

2) son stuđere dakkár ovddabealde 1 čuoggás oaivvilduvvon logahagas dahje ámmátlaš oahppolágádusas, mii lea lagamusas oahppogeatnegasa ruovttu dahje gosa muđui joavkojhtolaga dahje eará heivvolaš johtinvuogi geavahemiin lea johtilamos johtinoktavuođa ja gos lea vejolašvuohta oažžut oahpahusa oahppogeatnegasa vuođđooahpahuslága 10 §:s oaivvilduvvon oahpahusgiela mielde suoma- dahje ruođagillii; ja

3) sus ii leat vejolašvuohta ássat oahppolágádusa nuvtá ássodagas (Ohcejogas ii leat, dasgo sii orrot visttiin, main lea vejolaš bearrat láiggu; áššemeannudeaddji fuopmášahttin).

Orrunbuhtadus máksojuvvo oahppogeatnegassii oahpuid jahkásaš álgín- ja nohkanbeaivvi gaskasaš áiggis, jos oahpuid čađaheapmi gáibida orruma oahppolágádusa sajádatbáikegottis.

Orrunbuhtadussan buhttejuvvojit oahppogeatnegassii oahppoáigge ássamis šaddi govtolaš mánnosaš ássangoluit, eanemustá goit eanemusmeari ássanmanut nu mo almmolaš ássandoarjaga birra addojuvvon lága (938/2014) 10 §:s mearriduvvo. Orrunbuhtadussan máksojuvvo dat oassi govtolaš ássangolui, mii ii buhttejuvvo eará lága vuođul.

Ohcejohka gullá gieladajovkui IV, mas dohkkehahtti ássanmannun ovttá heakka dálodoalun lohkkujuvvo eanemustá 344 euro mánotbajis láiggus, 17 euro čázis ja 38 euro liggemis. Oktiibuot dát dahket 399 euro. Skuvlema lágideaddji mearrida orrunbuhtadusa miđiheamis ohcamuša mielde.

20§ mielde spiehkastemiin das, mii 19 § 1 momeantta 1 ja 2 čuoggás mearriduvvo, orrunbuhtadus miđihuvvo maid sámiid ruovttuguovllus ássi sápmelažžii, guhte stuđere Sámi oahpahusguovddáži, jos mátki oahppogeatnegasa ruovttus gažaldatvuloš oahppolágádussii lea badjel 100 kilomehtera.

Oahppogeatnegasvuođalága 21§ mielde oahppogeatnegas lea vuoigadahtton mátkebuhtadussii, jos son oažžu orrunbuhtadusa. Mátkebuhtadussan buhttejuvvojit goluit, mat šaddet vahkuloahpaid ja luomuid oktavuodas oahppogeatnegasa ruovttu ja stuđerenáigge vistti gaskasaš mátkkiin. Mátkebuhtadus máksojuvvo hálbimus vejolaš mátkkoštanvuogi mielde. Jos mátkkiide ii leat vejolašvuohta geavahit joavkojhtolaga, de heivehuvvo mátkegoluid meroštallamis, mii skuvlamátkedoarjalágas mearriduvvo iežas mátkkoštanvuogi mátkegolui.

Mátkebuhtadus ii miđihuvvo, jos oahppogeatnegas oažžu doarjaga vástideaddji mátkkiin šaddi goluide eará lága vuođul. Skuvlema lágideaddji mearrida mátkebuhtadusa miđiheamis ohcamuša mielde.

Mearrádusáššiin, mat laktásit oahppogeatnegasvuođa guhkideami nuvtávuhtii, sáhtá ohcat nuppástusa hálddahasrievttis (OVL 24§). Buhtadus skuvlema lágideaddjai:

Ovttadattiide boahťa guorahallanvuloš bajádus ollašuvvan goluid mielde. Dat ohccojuvvo mañálgihťii čakčat 2021 vuosttas gearde ja das eai leat gárvves rehkenaston buhtadusvuođustusat.

Kela ássandoarjja ja skuvlamátkki doarjja 1.8.2021 rájes:

Nuvttá skuvlema oahppi (lohkanjagi 2021-2022 1.jahkegurssa oahppi) sáhtá oažžut skuvlamátkedoarjaga, jos skuvlamátki lea ovttá guvlui uhcimustá 7 kilomehtera. Oahppi ii mávsse skuvlamátkkis iežas máksooasi.

Earáin go nuvttá skuvlema oahppiin (lohkanjagi 2021-2022 áigge 2.-3. jahkegurssa oahppit) skuvlamátki galgá leat uhcimustá 10 kilomehtera ja oahppit mákset mátkkiin iežaset máksooasi. Iežas máksooassi lea bealle mánotbaji doarjagis 21,50 euro mánotbajis ja olles mánotbaji doarjagis 43 euro mánotbajis.

1.8.2021 rájes bohtá maid fápmui buot oahppiid guoski skuvlamátkedoarjjalága nuppástus.

Oahppi sáhtá oažžut bealle mánotbaji doarjaga, jos sus lea 10-14 mátkebeaivvi mánotbajis ja olles mánotbaji doarjaga, jos sus lea uhcimustá 15 mátkebeaivvi mánotbajis.

Kela ii dutkka skuvlamátkki doarjaga mieđihettiin, livččiigo oahppis sáhtán leat lagabus ruovttu vástideaddji stuđerenbáiki.

Skuvlamátkedoarjja mieđihuvvo duođalaš skuvlamátkki mielde.

Jos skuvlamátkedoarjja mieđihuvvo almmolaš johtolaga mátkái dahje skuvlavuojiheapmái, de oahppi oažžu buhtadusa oppa mátkkis dan guhkkodagas fuolakeahtá.

Jos skuvlamátkedoarjja mieđihuvvo ieš ordnejuvvon johtinvuogi vuodul, omd. iežas biilla geavaheami mielde, de buhtadusa badjerádjá lea 100 kilomehtera.

Kela nuvttá skuvlema oahppi oahppodoarjja – váhnema luhtte ássi:

Váhnema luhtte ássi vuollel 17-jahkásaš nuvttá skuvlema oahppi, geas máksojuvvo mánáidruhta, ii sáhte oažžut oahppodoarjaga ollege (mánáidruđas fuolaheadji sáhtá luohpat, vai oahpporuhta ja ássandoarjjavuoigatvuohta šaddá).

Váhnema luhtte ássi 17-jahkásaš nuvttá skuvlema oahppi sáhtá oažžut oahpporuđa ja oahppoloana stáhtadáhkádusa, jos váhnemiid jahkeboađut leat vuollel 64 400 euro.

Váhnema luhtte ássi 18-19-jahkásaš nuvttá skuvlema oahppi sáhtá oažžut oahppoloana stáhtadáhkádusa váhnemiid boađuin fuolakeahtá ja oahpporuđa, jos váhnemiid jahkeboađut leat vuollel 64 400 euro.

Váhnema luhtte ássi uhcimustá 20-jahkásaš nuvttá skuvlema oahppi sáhtá oažžut oahpporuđa ja oahppoloana stáhtadáhkádusa váhnemiid boađuin fuolakeahtá.

Kela nuvttá skuvlema oahppi oahppodoarjja – eará sajis go váhnema luhtte ássi:

Eará sajis go váhnema luhtte ássi, vuollel 17-jahkásaš nuvttá skuvlema oahppi, geas máksojuvvo mánáidruhta, sáhtá oažžut oahppoloana stáhtadáhkádusa, jos váhnemiid boađut leat vuollel 64 400 euro jagis.

Jos váhnemiid boađut leat vuollel 64 400 euro jagis ja oahppi oažžu oahppoloana stáhtadáhkádusa, de sus sáhtá leat vuoigatvuohta almmolaš ássandoarjagii.

Jos váhnemiid boađut leat uhcimustá 64 400 euro jagis, ii oahppi oaččo oahppodoarjaga. Jos sus eai leat earáge diasboađut,

mainna su sáhtta geahččat iehčanasat ealihit iežas ja vástidit ieš ássanmanuinis, de son ii sáhte maiddáai oazžut almmolaš ássandoarjaga.

Nuvttá skuvlema oahppi oahppodoarjja ja ássandoarjja – eará sajis go váhnema luhtte ássi

Eará sajis go váhnema luhtte ássi, uhcimustá 17-jahkásaš nuvttá skuvlema oahppi sáhtta oazžut oahpporuđa ja oahppoloana stáhtadáhkádusa váhnemiid boađuin fuolakeahtta.

Oahppodoarjaga oazžu oahppis sáhtta leat vuoigatvuohta almmolaš ássandoarjagii.

Mávssuvuloš skuvlen (lohkanjagi 2021-2022 2.-3. jahkegurssa oahppit)

Nuvttá skuvlema vuollel 17-jahkásaš oahppi, geas ii leat vuoigatvuohta nuvttá skuvlemii ja geas máksojuvvo mánáidruhta, sáhtta lassin oazžut

oahppamateriálalasi (47,26 euro mánotbajis), jos váhnemiid boađut leat eanemustá 41 100 euro jagis.

ássanlasi (88,87 euro mánotbajis), jos son stuđere álbmotallaskuvlla mávssuvuloš skuvlemis ja orru oahppolágádusa ásodagas.

Kela almmolaš ássandoarjagii ii boađe nuppástus 1.8.2021:

Vuolleahkásaš mánná, gii orru sierra váhnemiid ruovttus, gehččojuvvo dábálaččat váhnemiid dálloodollui gullevažžan, iige son sáhte oazžut ássandoarjaga iehčanas dálloodollun.

Jos vuolleahkásaččas leat goit dan veardde dienasboađut, daidda buhtastahtti dahje daid sadjái boahtti boađut, ahte su sáhtta geahččat iehčanasat ealihit iežas ja son vástida ieš ássanmanuinis, de son sáhtta oazžut ássandoarjaga. Kela ássandoarjjaášši gieđahallo dáhpáhusa mielde ja dasa váikkuhit mángga ášši. Oahppiid galgá ávžžuhit váldit oktavuoda Kelai doarjaga árvvoštallama, ohcama ja mearrádusa oazžuma várás.

Ášši válmmaštalai Pasi Oikarinen.

Evttohus:

Logahaga visttiin buohkain berrojuvvo láigu 344 euro/mb, 38 euro liggemis ja 17 euro čázis 1.8.2021 rájes lohkanjagi skuvlabarggu áiggis. Logahaga visttit bohtet oahppái leat nuvttá. Dat gáibida oahppis láiggu sadjái buhtadusa ohcama čuovvovaš ordnemiiguin: Orrunbuhtadusa (olles mearrin 399 euro) galgá oahppi ohcat Ohcejoga gielddas ja dat mieđihuvvo lagašlogahahkii boahtti nuvttá skuvlema oahppiide, geain lea skuvlamátki badjel 100 km. Dát guoská sihke vuollel ja badjel 17 jahkásaččaid. Sii ožžot maid ozadettiin mátkebuhtadusa almmá iežasvásttu skuvlema lágideaddji dan mieđihettiin. Mátkebuhtadus oaivvilda goluid, mat šaddet ruovttu ja stuđerenáigge vistti gaskasaš mátkkiin vahkuloahpaid ja luomuid oktavuodas, jos eará lága vuodul ii buhtadus daidda boađe. Eaktun doarjagiidda lea oahpuid ovdáneapmi.

Lagašlogahahkii vuollel 100 km duohken boahtti nuvttá skuvlema oahppit ohcet Kela ássandoarjaga ja mearrádusa oažžuma maŋŋá Ohcejoga gielda máksá ohcamuša mielde vejolaš ássandoarjaga ja láiggu erohusa. Badjel 7 km skuvlamátkkit leat sidjiide nuvttá almmá iežasvásttu.

Earái go lagašlogahahkii boahtti (vieris báikegotti oahppit) nuvttá skuvlema oahppi ohcá Kela ássandoarjaga ja mearrádusa oažžuma maŋŋá Ohcejoga gielda máksá ohcamuša mielde vejolaš ássandoarjaga ja láiggu erohusa. Son ohcá Kelas skuvlamátkedoarjaga ollašuvvan skuvlamátkkiide. Kela ii dutkka leago logahat lagašlogahat skuvlamátkedoarjaga mieđihettiin, baicce dat mieđihuvvo mátkkiide, mat dáhpáhuvvet almmolaš johtolatfievrruiguin, dahje skuvlavuojiheapmái mátkki guhkkodagas fuolakeahtta. ležas biillain maksimála buhtadus lea 100 km. Oahppit (logahaga 2. ja 3. jahkegursa), geat leat mávssuvuloš skuvlemis mielde, ohcet Kela ássandoarjaga ja mearrádusa oažžuma maŋŋá Ohcejoga gielda máksá ohcamuša mielde vejolaš ássandoarjaga ja láiggu erohusa. Son ohcá Kelas skuvlamátkedoarjaga ollašuvvan skuvlamátkkiide (mieđihit badjel 10 km mátkái). Kela ii dutkka leago logahat lagašlogahat skuvlamátkedoarjaga mieđihettiin, baicce dat mieđihuvvo mátkkiide, mat dáhpáhuvvet almmolaš johtolatfievrruiguin, dahje skuvlavuojiheapmái mátkki guhkkodagas fuolakeahtta. ležas biillain maksimála buhtadus lea 100 km.

Ohcejoga gielda ohcá čakčat 2021 vuosttas geardde skuvlema lágideaddjin guorahallanvuloš lasi oahppiguovdasaš ovtadathaddái ollašuvvan goluid mielde guhkiduvvon oahppogeatnegasvuođa ja mávssuvuloš skuvlema oahppiin.

Oahppiide lea sivva dieđihit doarvái bures láiggu mávssus ja visttiid nuvttávuodas das fuolakeahtta. Sin galgá rávvet ohcat skuvlema lágideaddji mieđihan orrunbuhtadusa ja mátkebuhtadusa. Skoviin sihke das, gii mearrida ja goas buhtadusat máksojuvvojit, seamma maddái oahpuid čuovvumis galgá mearridit sierra. Kela ássan- ja skuvlamátkedoarjaga ohcamis lea sivva maid dieđihit áiggil ja doarvái ovdal skuvlla álgima.

Buot oahppiide galgá dahkat odđa láigosoahpamušaid logahaga visttiide latnjáláigohanlága mielde. Guhkiduvvon oahppogeatnegasvuođa oahppit leat ovdasajis logahaga visttiid láigoheamis. Oahppit, geain lea dál visti, sáhttet báhcit 2. ja 3. jahkegurssa áigái ássat, jos duođaid vistti juogaduvvon lanjadagas dárbbášit.

Áššemeannudeaddji nuppástusevttohus:

Čuvgehuslávdegoddi mearrida, ahte

1.logahaga vistti láigu lea 399 e/mb, sisttisoallá čázi ja liggema

2. čuvgehushoavda fápmuduvvo gárvvistit rávvagiid orrungoluid gokčamis čuovvovaš čoaikkimii nu, ahte logahaga visttit leat buot oahppiide nuvttá.

Mearrádus:

Mearrádus áššemeannudeaddji nuppástusevttohusa mielde.

Boradanboddu dmu 13.10 - 14.38

Ohcejohnjálmmi skuvlla suomagielat luohkáohpaheaddji virggi (341515) deavdin

5/01.01.01/2021

Čuvglg 22.06.2021 § 106

Ohcejohnjálmmi skuvlla luohkáohpaheaddji virgái (341515) 23.3.2021 válljejuvvon Noora Nokela almmuhii čálalaččat 18.5. 2021 ahte ii váldde virggi vuostá. Várresadjái válljejuvvon Ville-Veikko Haveri almmuhii čálalaččat 18.5.2021 ahte ii váldde virggi vuostá. 2. várresadjái válljejuvvon Aino Kinni almmuhii 24.5. diđoštallama oktavuodas ahte ii váldde virggi vuostá. Virgi leamašan rabas ođđasit 26.5. rájes ja ohcan nogai 9.6. Ovddit ohcamušat (8) leat váldon vuhtii ohcamis ja lea riŋgejuvvon čađa leatgo ohcamis mielde – buohkat leat eará sajis bargguin boahhte lohkanjagi. Mearreáiggi rádjai bođii okta ođđa ohcamuš gelbbolaš ohccis.

Ášši válmmaštalai Pasi Oikarinen

Evttohus:

Ohcci lea ožžon eará sajis virggi. Čuvgehushoavda fápmuduvvo bidjat virggi ođđasit ohcanláhkai 12.7.2021 rádjai.

Mearrádus:

Mearrádus evttohusa mielde.

**OHCEJOHNJÁLMMI SKUVLLA LUOHKÁOAHPAHEADDJI MEARREÁIGÁSAŠ VIRGI
1.8.2021 – 31.7.2022**

5/01.01.01/2021

Čuvglg 22.06.2021 § 107

Báiki leamašan rabas KuntaRekrys guokte vahko 28.5. – 11.6.
Mearreáigái báikki ohce guokte ohcci, iige goabbáge lean ohcama
áigge gelbbolaš.

Ášši válmmaštalai Pasi Oikarinen

Evttohus:

Ohcejohnjálmmi skuvlla mearreáigásaš luohkáoahpaheaddji virgái
válljejuvvo 1.8.2021 – 31.7.2022 Alma Tervo. Su oahpahasjoavkun
boahtá suomagielat 6 j. ovdaoahpahas, dasgo son válmmaštuvvá
mánáidgárdeoahpaheaddjin geassit 2021.

Mearrádus:

Nubbi ohcciin lea almmuhan, ahte son ii leat geavaheamis.
Mearrádus evttohusa mielde.

OHCEJOGA SÁMELOGAHAGA OÐÐA OAHPPOPLÁNA 1.8.2021 RÁJES

116/12.00.01/2016

Čuvglg 22.06.2021 § 108

Ohcejoga sámelogahaga rektor, oahpaheaddjit ja bargit leat logahaga ođđa oahppoplánaid riikkaviidosaš vuodustusaid (2019) vuodul gárvvistan Ohcejoga sámelogahahkii ođđa oahppoplánaid, mat váldojit atnui 1.8.2021. Oahppoplánat sisttisdoallet vuodustusaid lassin áššiid, maid birra mearriduvvo báikkálaččat, sihke oahppoosiid, mat leat fállun.

Dehálamos nuppástusat leat oahppofuolahusa ja doarjaga beavttálmahttin sihke oahpuid fállan oahppooassin, mat sáhttet sisttisdoallat ovtta dahje mángga oahppoávdnasa modulaid (ovddeš namain gurssat). Oahppi buresveadjináššiid buorida dat, go jodihanplána, oahppofuolahusplána, kriisaplána sihke plána eastadit veahkaválddi, givssideami ja heađušteami biddjojuvvojit áiggi dássái nu ahte dat vástidit ođđa oahppoplána gáibádusaid.

Ođđa oahppoplána geatnegahtta ja dahká vejolažžan oktasašbarggu lasiheami universitehtaiguin. Oktasašbargu, mii lea juo, čiekŋuduvvo Ohcejogas boahttevuodas. Oahppi gárvvista HOPS dahjege persovnnalaš stuđerenplána ja pláne oahpuidis, čállimiiddis, joatkkaoahpuidis sihke boahttevuoda karrera oppa logahatoahpuid áigge ovttas oahpaheaddjiiguin ja eará bargiiguin. Go stáhtaossodat fitnašuvvá dušše bákkolaš ja čiekŋudeaddji oahppoosiid ordnemii, de seamma vuohki go ovdalge joatkašuvvá heivvolaš oahppoosiid oasil, nappo daid buot ii sáhte ordnet jahkásaččat. Heivehuvvon gurssain leat ordnejuvvon jahkásaččat golbma nu, ahte lea geahččaluvvon lonohallat ordnenláhkai gurssa, vai logahatoahppi stuđerenáigge miela miel välljejuvvon heivvolaš gursa ollašuvvá.

Oahppoplánii sáhtta oahpásmuvvat čuovvovaš liŋkkas:
Saamelaislukion opetussuunnitelma 2021- ePerusteet
(opintopolku.fi)

URL:

<https://eperusteet.opintopolku.fi/beta/#/fi/opetussuunnitelma/11792594/lukio/tiedot>

Ášši válmmaštalai Pasi Oikarinen

Evttohus:

Čuvgehuslávdegoddi dohkkeha Ohcejoga sámelogahaga ođđa oahppoplána atnui 1.8.2021 rájes.

Mearrádus:

Mearrádus evttohusa mielde.

Čuvvosat

Čuovus Sámelogahaga oahppoplána 2021
1

Oahppofuolahusa plána beaivádeapmi Ohcejoga sámelogahahkii

116/12.00.01/2016

Čuvglg 22.06.2021 § 109

Báikkálaš dásis oahppofuolahusa plánema ja ollašuhttima stivrejit golbma sierra plána. Plánat leat 1) gieldda mánáid ja nuoraid buresveadjinplána, mas lea oahppofuolahusa guoski oassi, 2) báikkálaš oahppoplánii gullelaš govvádus oahppofuolahusas sihke 3) guđege oahppolágádusa guoski oahppofuolahusplána. (Oahppi- ja stuđeantafuolahusláhka 1287/2013, 12 ja 13 § [rievdaduvvon lágain 1501/2016]; mánáidsuodjalanláhka 417/2007, 12 § [rievdaduvvon lágain 1292/2013]; logahatláhka 714/2018, 32 §; dearvvasvuodafuolahusláhka 1326/2013, 17 §.)

Logahaga báikkálaš oahppoplánas, mii váldojuvvo atnui 1.8.2021, govviduvvojit geavatlaš dásis logahaga oahppoplána vuodustusain mearriduvvon áššiid ollašuhttin, oahppoplána oktavuohhta mánáid ja nuoraid buresveadjinplánii sihke Ohcejogas sámelogahaga oahppofuolahusplána ja dan sierra oassin plána suodjalit oahppiid veahkaválldis, givssideamis ja headušteamis sihke kriisaplána.

Logahaga odđa oahppoplánaid gárvvisteami lassin logahaga oahppofuolahusplána lea biddjon áiggi dássái ja dat sisttisdoallá maid vuodđoskuvllas ávkástallangelbbolaš plánaid suodjalit stuđeanttaid (oahppiid) veahkaválldis, givssideamis ja headušteamis sihke kriisaplána.

Ášši válmmaštalai Pasi Oikarinen.

Evttohus:

Lávdegoddi dohkkeha oahppofuolahusa plána beaivádeami.

Mearrádus:

Mearrádus evttohusa mielde.

Čuvvosat

Čuovus Oahppofuolahusa plána Ohcejoga sámelogahat
2

Leairaskuvlla boradeamit

52/12.01.02/2021

Čuvglg 22.06.2021 § 110

Juohke ovda- ja vuođđoskuvlla oahppi sihke logahaga ja ámmátlaš vuođđodási oahppi lea Suomas vuoigadahtton nuvtá skuvlamállásii. Ohcejoga skuvlalaččat fitnet jahkásaččat sierralágan reaissuin ja leairaskuvllain. Skuvlalaččat čogget dávjá ieža mátkeruđa, mainna leairaskuvllat ruhtaduvvojit. Leairaskuvllat ja reaissut sáhttet leat oassi skuvlla doaimma, jos dat leat váldon vuhtii skuvllaid doaimaplánain. Reaissuide addojuvvojit dábálaččat niesttit, mat buhtastahttojit nuvtá skuvlamállásii, muhto Ohcejoga gielddas leat goit sierralágan vuogit das, mo nuvtá skuvlaboradeapmi dikšojuvvo reaissuin ja leairaskuvllain.

Ášši válmmaštalai Virpi Veskonieni

Evttohus:

Čuvgehuslávdegoddi mearrida

- 1) oahppiide, stuđeanttaide, oahpaheaddjiide dahje fuolaheaddjiide, geat oassálastet leairaskuvlii, reaissuide dahje eará dan sullasaš doaimmaide, ii máksojuvvo nuvtá skuvlabiebmu ruhtan
- 2) oahppit dahje stuđeanttat, geat oassálastet leairaskuvlii, reaissuide dahje eará dan sullasaš doaimmaide, ožžot nuvtá nisttiid skuvllas mielde

Mearrádus:

Mearrádus evttohusa mielde.

Gáregasnjárgga gielaid lektor 365865

5/01.01.01/2021

Čuvglg 22.06.2021 § 111

Gáregasnjárgga skuvlla gielaid lektora virgi leamašan ohcanláhka Kuntarekryš, bargofápmohálddaha siidduin sihke gieldda neahttasiidduin. Ohcanáigi nogai 8.6.2021. Mearreáigái virggi ohce Inka Almgren, Anni Karhu, Virpi Masonen sihke Chirster Rasmus.

Ášši válmmaštalaiga Virpi Veskonieni ja Pirjo Länsman-Kiimalainen

Evttohus:

Čuvgehuslávdegoddi mearrida válljet Gáregasnjárgga skuvlla gielaid lektora virgái Virpi Masosa.

Mearrádus:

Mearrádus evttohusa mielde.

Musihka váldodoaibmasaš diibmooahpaheaddji 1.8.2021-31.7.2022 (365432)

5/01.01.01/2021

Čuvglg 22.06.2021 § 112

Musihka váldodoaibmasaš diibmooahpaheaddji barggut leamašan ohcanláhka bargofápmohálddaha siiduin, gieldda neahttasiiduin sihke kuntarekrys. Mearreáigái báikki ozai musihka magisttar Perttu Hiltunen.

Ášši válmmaštala Virpi Veskonieni

Evttohus:

Musihka váldodoaibmasaš diibmooahpaheaddjin välljejuvvo musihka magisttar Perttu Hiltunen.

Mearrádus:

Mearrádus evttohusa mielde.

Luohkáohpaheaddji sadjásašvuhta, Gáregasnjárga 367229

5/01.01.01/2021

Čuvglg 22.06.2021 § 113

Gáregasnjárgga skuvlla luohkáohpaheaddji sadjásašvuhta 1.8.2021-31.7.2022 leamašan ohcanláhka Kuntarekrys, bargofápmohálddahusa siidduin sihke gieldda neahttasiidduin. Ohcanáigi nogai 11.6.2021. Mearreáigái báikki ozai Christer Rasmus.

Ášši válmmaštalaiga Virpi Veskonieni ja Pirjo Länsman-Kiimalainen

Evttohus:

Luohkáohpaheaddji sadjásažžan 1.8.2021-31.7.2022 Gáregasnjárgii välljejuvvo Christer Rasmus.

Mearrádus:

Mearrádus evttohusa mielde.

Virgelohpeohcamuš

26/01.01.00/2021

Čuvglg 22.06.2021 § 114

Sámegielaidd gáiddusoktavuođaiguin ávkkástalli oahpahusa pilohttaprojeavtta projektahoavda Hanna Helander ohcá virgelobi áigodahkii 1.9.–31.12.2021, vai beassá dahkat gárvvisin iežas nákkosgirjji.

Ášši válmmaštala Virpi Veskonieni

Evttohus:

Čuvgehuslávdegoddi mearrida

- 1) ovdalis mieđihuvvon álggatkeahhtá báhcán virgelohpi šluhttejuvvo
- 2) mieđihit Hanna Helanderii virgelobi 1.9.–31.12.2021.
- 3) bálkáhít projektahoavdda sadjásažžan oahpaheadji Satu Pieski

Mearrádus:

Mika Saijets geassádii eret čoahkkimis intreassaeasttalašvuoda geažil ášši gieđahallama ja mearrádusdahkama boddii.

Mearrádus evttohusa mielde.

Oasseáigásaš oahppofriijavuoda ohcamuš

26/01.01.00/2021

Čuvglg 22.06.2021 § 115

Ozan oasseáigásaš oahppofriijavuoda čadaheami dihte luohkáohpaheaddji sierranas mángga suorggi oahpuid Pokaope-projeavtta mánggahámat skuvlemis lohkanjagis 2021-22 ja oahpuide gullevaš hárjehallama borge-čakčamánuš 2022.

Mu välljejedje (sierra)luohkáohpaheaddji mángga suorggi oahpuide 200 ohcci joavkkus. Skuvlen addá munnje sierraluohkáohpaheaddji ja luohkáohpaheaddji dohkálašvuoda ja vejolašvuoda addit dás ovddos ollesáigásaš sierraohpahusa oasseáigásaš sierraohpahusa lassin. Ohcejoga gielddas leat oahppit, geat dárbbášit sierraluohkáohpaheaddji oahpahusa ee. doaimmaguovlluid mielde stuđerema dahje oahppoávdnasa individuálan dahkama geažil.

Gáiddusoahpahus lea veaigebeivviid ja stuđeremiidda gullet guhtta vahku guhkkosaš áigodaga Oulus jagi áigge. Dálá áigetávvala mielde basttán oahpahit sullii 16-18h vahkus oahpahusgeatnegasvuoda 24 diimmus.

Oahpuid dárkilis álggahanbeaivi lea 23.8.2021. Mánggahámat oahpahus bistá vahku 20 rádjai jagis 2022 ja ollesáigásaš hárjehallan borge-čakčamánuš 2022 sullii vihtta vahko.

Ášši válmmaštalai Virpi Veskonieni

Evttohus:

Čuvgehuslávdegoddi mearrida miedihit Sanna Salosii oasseáigásaš oahppofriijavuoda 23.8.2021-30.9.2022.

Mearráduš:

Mearráduš evttohusa mielde.

Virgelohpeohcamuš

26/01.01.00/2021

Čuvglg 22.06.2021 § 116

Sámegiela luohkáohpaheaddji Aura Pieski ohcá virgelobi áigodahkii 13.8.2021 – 4.6.2022 čađaheami dihte sámegiela sierranas sierraoahpaheaioahpuid (60 op) Oulu universitehtas. Sámegiela sierraoahpaheaddji dárbu Ohcejogas lea stuoris ja lea buorre go bargoveagas lea hálлу háhkat gelbbolašvuoda. Dat ovddida bissovašvuoda nu oahppiid doarjagis go oahpahusbargoveagage oasil.

Ášši válmmaštalai Pasi Oikarinen

Evttohus:

Čuvgehuslávdegoddi miediha Aura Pieskii virgelobi áigodahkii 13.8.2021 – 4.6.2022

Mearrádus:

Virgelohpi miedihuvvo iige sadjásažžii leat dárbu.

Čuvgehuslávdegoddi

§ 70

11.05.2021

Čuvgehuslávdegoddi

§ 117

22.06.2021

Ohcejoga gieldda árrabajásgeassima oahpaheaddji virgi 1.8.2021 rájes

5/01.01.01/2021

Čuvglg 11.05.2021 § 70

Ohcejoga gieldda árrabajásgeassima oahpaheaddji virgi 1.8.2021 rájes leamašan ohcanláhka 1.4.2021 rádjai, dálá sajuštanbáiki Njuorggán.

Ohcanalmuhus lea almmustahtton gieldda ruoktosiidduin, Inarilainen-aviissas, Kuntarekrys sihke bargofápmodoaimmahaga siidduin.

Mearreáigái bohte 4 ohcamuša. Okta ohcciin gesii ohcamuša eret. Guovtti ohccis ii leat gelbbolašvuhta bargui. Gelbbolaš ohcci lea ohcan maid Ohcejoga girkosiidda beaiveruktui, mii vuosttas saji ohcansávaldat.

Ášši válmmaštala árrabajásgeassinhoavda Tea Raudasoja

Evttohus:

Joatkit ohcanáiggi 27.5.2021 rádjai. Juo ovdalis bohtán ohcamušat váldojit vuhtii.

Mearrádus:

Evttohusa mielde.

Čuvglg 22.06.2021 § 117

Mearreáigái bođii okta ođđa ohcamuš. Ohccis ii leat gelbbolašvuhta bargui, muhto lea bargan Njuorggáma beaiveruovttus 1.1.2021 rájes. Ohccis lea searvvušpedagoga dohkálašvuhta.

Ášši válmmaštala árrabajásgeassinhoavda Tea Raudasoja

Evttohus:

Válljejuvvo Heidi Kämäräinen árrabajásgeassima oahpaheaddjin mearreáigásažžan 1.8.2021-31.7.2022.

Mearrádus:

Mearrádus evttohusa mielde.

Gálvoháhkamat Njuorggáma mánggadoaimmadállu

53/02.07.01/2021

Čuvglg 22.06.2021 § 118

Gálvoháhkamiidda beaiveruovttu ja skuvlla sisgálvvuid várás leat bivdojuvvon fáladagat golmma doaimmaheaddjis, Woodi, Tevella ja Lekolar.

Ášši válmmaštala čuvgehusjoavda-reaktor Virpi Veskonieni

Evttohus:

Sirdojuvvo čavčča vuosttas čoahkkimii. Gálvoháhkamiid ollessubmi bohtá mannat badjel investerenmearreruđa.

Mearráduš:

Mearráduš evttohusa mielde.

Čuvgehuslávdegoddi	§ 61	11.05.2021
Čuvgehuslávdegoddi	§ 119	22.06.2021

Ohcejohnjálmmi skuvlla ja sámelogahaga rektora virgi

5/01.01.01/2021

Čuvglg 11.05.2021 § 61

Ohcejohnjálmmi ja sámelogahaga rektora virgi lea devdojuvvon mearreáigásažžan 31.7.2021 rádjai. Váldostivrra giedáhallamii lea mannamin gažaldatvuloš rektora virggi giellamáhttogáibádus, muhto sáhtá mannat guhká, ovdalgo váldostivrra dahkan mearrádusat ožžot lágafámu. Rektora virggi galgá goit deavdit 1.8.2021 rájes. Go gearddi lea vejolaš, ahte váldostivrra dahká nuppástusaid rektora virggi gelbbolašvuhtii ja giellamáhttogáibádussii, de rektora virggi gánnáha bidjat almmolaččat ohcanláhkai mearreáigásažžan. Dalle rektora gažaldatvuloš virggi sáhtá bidjat almmolaččat ohcanláhkai mearreáigásašvuoda nohkama maŋŋá oktan váldostivrra mearridan gáibádusaiguin.

Ášši válmmaštalai Virpi Veskonieni

Evttohus:

Čuvgehuslávdegoddi bivdá lobi Ohcejohnjálmmi skuvlla ja sámelogahaga rektora virggi deavdimii gielddahoavddas. Jos deavdinlohpi miedihuvvo, de virgi almmuhuvvo ohcanláhkai mearreáigásažžan 1.8.2021-31.7.2022 nu jođánit go vejolaš.

Mearrádus:

Dohkkehuvvon evttohusa mielde.

Čuvglg 22.06.2021 § 119

Ohcejohnjálmmi skuvlla ja sámelogahaga rektora virgi 1.8.2021-31.7.2022 leamašan ohcanláhkai 21.6.2021 rádjai. Ohcanalmmuhus lea almmustahtton gieldda ruoktosiidduin, Inarilainen-aviissas, Kuntarekrys sihke bargofápmodoaimmahaga siidduin.

Mearreáigái bohte njeallje ohcamuša.

Ášši válmmaštalai čuvgehusjoavda-reaktor Virpi Veskonieni

Evttohus:

Guovtti gelbbolaš ohccis nubbi gesii ohcamušas eret. Ohcanáigi jotkojuvvo 12.7.2021 rádjai, ovdalis boahtán ohcamušat váldojuvvojit vuhtii.

Beavdegirjji dárkkisteaddjit:

Čuvgehuslávdegoddi	§ 61	11.05.2021
Čuvgehuslávdegoddi	§ 119	22.06.2021

Mearrádus:

Mearrádus evttohusa mielde.

Nuppástusohcangildosat

Gildosiid vuđđosat	Čuovvovaš mearrádusain ii oaččo dahkat gielдалága 136 § mielde vuigengáibádusa iige gielđaváidaga, dasgo mearrádus guoská dušše válmmaštallama dahje ollašuhhtima: Paragrátat 98-101
	Daningo mearrádusas sáhtá dahkat gielдалága 137 § 1 mom. mielde čálalaš vuigengáibádusa, de čuovvovaš mearrádusaide ii oaččo ohcat nuppástusa váidimiin: Paragrátat 97, 102-119
	Hálddahasgearregastinlága (HallintolainkäyttöL) 5 § / eará lánkaásahusa mielde čuovvovaš mearrádusaide ii oaččo ohcat nuppástusa váidimiin. Paragrátat ja váidingildosiid vuđđosat

Vuigengáibádusrávvagat

Vuigen- gáibádus virge- oapmahaš ja váidináigi	Čuovvovaš mearrádusaide duhtameahhtun sáhtá dahkat čálalaš vuigengáibádusa. Virgeoapmahaš, masa vuigengáibádus dahkkojuvvo, čujuhus ja poastačujuhus: Ohcejoga čuvgehuslávdegoddi PL 41 99981 Ohcejohka Paragrátat 97, 102-119 Vuigengáibádusa galgá dahkat 14 beavve geažes mearrádusa diehtunoažžumis. Vuigengáibádusáiggi rehkenasttedettiin diehtunoažžunbeaivi ii váldojuvvo lohku. Gieldda lahttu gehččojuvvo ožžon mearrádusas dieđu čieža beavve geažes das, go beavdegirji lea biddjon oaidninláhka almmolaš diehtofierpmádahkii.
Vuigen- gáibádusa sisdoallu	Vuigengáibádusas galgá boahit ovdan gáibádus oktan vuodustusaiguin ja dahkki galgá dan čállit vuollái.

Váiddačujuhus

Váidda- virge- oapmahaš ja váidináigi	Čuovvovaš mearrádusaide sáhtá ohcat nuppástusa čálalaš váidagiin. Vuigengáibádusa geažil addojuvvon mearrádussii oažžu ohcat nuppástusa gielđaváidagiin dušše dat, gii lea dahkan vuigengáibádusa. Jos mearrádus lea vuigengáibádusa geažil rievdan, oažžu mearrádussii ohcat nuppástusa gielđaváidagiin maiddái áššáiosolaš sihke gieldda lahttu.	
	Váiddavirgeoapmahaš, čujuhus ja poastačujuhus Pohjois-Suomen hallinto-oikeus Uksačujuhus: Isokatu 4, Oulu Poastačujuhus: PL 189 90101 OULU	
	Gielđaváidda, paragrátat	Váidináigi 30 beavve
	Hálddahasváidda, paragrátat	Váidináigi beavve
	Eará váiddavirgeoapmahaš, čujuhus ja poastačujuhus Paragrátat	Váidináigi beavve

	<p style="text-align: right;">beaivve</p> <p style="text-align: right;">beaivve</p> <p>Váidináigi álgá mearrádusa diehtunoažžumis. Váidináiggi rehenasttedettiin diehtunoažžunbeaivi ii váldojuvvo lohku.</p>
--	---

Laktojuvvo beavdegirjái

Váiddagirji	<p>Váiddagirjis galgá almmuhit</p> <ul style="list-style-type: none"> - váidi nama, poastačujhusa, ruovttugieldda ja telefonnummira - mearrádusa, masa ohcá nuppástusa - main osiin mearrádusas váidá ja nuppástusa, man dasa gáibida dahkat - nuppástusgáibádusa ákkaid <p>Váiddagirjii galgá váidi dahje váiddagirjii eará dahkki vuolláičállit. Jos dušše dahkki lea vuolláičállán váiddagirjii, de das galgá máinnašit maiddá dahkki nama, poastačujhusa, ruoktogieldda ja telefonnummira.</p> <p>Váiddagirjái galgá laktit mearrádusa, mas váidá, álgoálgosažžan dahje virggi beales riektadin duođaštuvvon kopijian sihke duođaštusa das man beaivve mearrádus lea addojuvvon diehtun dahje eará čilgehusa váidináiggi álgináiggis.</p>
Váidda-áššegirjiid doaimma-heapmi	<p>Váiddaáššegirjiid galgá doaimmahit váiddavirgeoapmahažžii ovdal váidináiggi nohkama. Jos váidináiggi maŋimus beaivi lea bassebeaivi, iehčanasvuodabeaivi, válborebeaivi, juovla- dahje mihcamáruohtta dahje árgalávvardat, oažžu váiddaáššegirjiid doaimmahit váiddavirgeoapmahažžii vuosttas árgabeaivve dan maŋŋá. ležas ovddasvástádusain váiddaáššegirjiid sáhtá sáddet poastta dahje áirasa mielde. Postii váiddaáššegirjiid berre guođđit dan mađi áiggil, ahte dat gerget boahit ovdal váidináiggi nohkama.</p> <p>Váiddaáššegirjiid sáhtá doaimmahit maid: namma, čujuhus, poastačujuhus Paragrafat</p> <p>Váiddaáššegirjiid galgá doaimmahit 1): namma, čujuhus, poastačujuhus Paragrafat</p>
Lassi-dieđut	<p>Dárkilis vuigengáibádusráva/váiddačujuhus laktojuvvo beavdegirjii váldosii.</p>

¹⁾ Jos doaimmahuvvo eará sadjái go váiddavirgeoapmahažžii.